

Ո Ր Ո Շ ՈՒ Մ

ԱՐԳԵԼԱԴՐՎԱԾ ԳՈՒՅՔԸ ՀԱՐԿԱԴԻՐ ԷԼԵԿՏՐՈՆԱՅԻՆ ԱՃՈՒՐԴՈՎ ԻՐԱՑՆԵԼՈՒ ՄԱՍԻՆ

01 Մարտի 2024թ.

ք. Արթիկ

Հարկադիր կատարումն ապահովող ծառայության Շիրակի մարզային բաժնի Արթիկի բաժանմունքի ավագ հարկադիր կատարող, արդարադատության մայր Արմեն Հովհաննիսյանս ուսումնասիրելով թիվ 00324451 կատարողական վարույթի նյութերը՝

Պ Ա Ր Զ Ե Ց Ի

ՀՀ Երևան քաղաքի Կենտրոն և Նորք-Մարաշ վարչական շրջանների ընդհանուր իրավասության դատարանի կողմից 25.03.2015թ-ին տրված թիվ ԵԿԴ/1810/02/14 կատարողական թերթի համաձայն պետք է Հռիփսիմե Ռոբերտի Դավայանից հոգուտ «Առէքսիմբանկ Գազարոմբանկի խումբ» ՓԲ ընկերության բռնագանձել 123.678 ՀՀ դրամ և հավելագրվող տոկոսներ, տույժեր:

Համաձայն շարադրվածի՝ Հռիփսիմե Ռոբերտի Դավայանից պետք բռնագանձել նաև բռնագանձվող գումարի 5 տոկոսի չափով գումար՝ որպես կատարողական գործողությունների կատարման ծախսերի գումար:

Իրականացված կատարողական գործողությունների արդյունքում արգելանք է կիրառվել Հռիփսիմե Ռոբերտի Դավայանին պատկանող, գրավադրված ոսկյա իրերի նկատմամբ:

Վերոգրյալի հիման վրա և ղեկավարվելով "Դատական ակտերի հարկադիր կատարման մասին" ՀՀ օրենքի 28 և 43, ինչպես նաև "Հրապարակային սակարկությունների մասին" ՀՀ օրենքի 35.1 - 35.4 հոդվածների պահանջներով՝

Ո Ր Ո Շ Ե Ց Ի

Հռիփսիմե Ռոբերտի Դավայանին պատկանող ոսկյա իրերը ներկայացնել հարկադիր էլեկտրոնային աճուրդի հետևյալ գներով՝

ՀՀ	Գույքի անվանումը	Քանակ	Հարգ	Քաշ	Գույքի գնահատման գինը	Գույքի մեկնարկային գինը
1	Ոսկյա մատանի	1 հատ	583	2,5 գրամ	38.700 դրամ	29.025 դրամ
2	Ոսկյա մատանի	1 հատ	583	2,6 գրամ	40.300 դրամ	30.225 դրամ
3	Ոսկյա ականջոլ	1 զույգ	583	5,6 գրամ	86.800 դրամ	65.100 դրամ

Հարկադիր էլեկտրոնային աճուրդը իրականացնել էլեկտրոնային համակարգի կիրառմամբ՝ Հարկադիր կատարման ծառայության աճուրդի էլեկտրոնային կայքի՝ www.achurd.harkad.ir.am միջոցով:

Հարկադիր էլեկտրոնային աճուրդի սկիզբը՝ „22,, ապրիլի 2024թ-ին:

Ծ Ա Ն Ո Թ ՈՒ Թ Յ ՈՒ Ն

Յուրաքանչյուր լոտի հարկադիր էլեկտրոնային աճուրդի ավարտի հաշվարկման ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Տասնհինգերորդ հարկադիր աճուրդը չկայանալու դեպքում հաջորդ աճուրդներում լոտի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

„Հրապարակային սակարկությունների մասին” ՀՀ օրենքի 35.4 հոդվածի 4-րդ և 5-րդ և 6-րդ մասերի համաձայն երկրորդ և յուրաքանչյուր հերթական աճուրդից հետո, լոտը չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը / լոտը / պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց հետո, իսկ գույքի / լոտի / հանձնման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո:

Որոշման օրինակն ուղարկել կողմերին:

Որոշումը կարող է բողոքարկվել վերադասության կարգով որոշումն ուժի մեջ մտնելու օրվանից հետո երկամսյա ժամկետում կամ ՀՀ Վարչական դատարան՝ օրենքով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով նախատեսված դեպքերի:

ԱՎԱԳ ՀԱՐԿԱԴԻՐ ԿԱՏԱՐՈՂ,

ԱՐԴԱՐԱԴԱՏՈՒԹՅԱՆ ՄԱՅՈՐ՝

Ա. ՀՈՎՀԱՆՆԻՍՅԱՆ

